



**GRAD NOVI PAZAR
GRADSKO VIJEĆE**

*U Novom Pazaru, 14.02.2019.godine
Broj: 153A-09/2019*

Na osnovu člana 35. stav 5. Zakona o srednjem obrazovanju i vaspitanju ("Sl. glasnik RS", br. 55/2013, 101/2017 i 27/2018 - dr. zakon), člana 15, stav 1. tačka 3) alineja (4) Zakona o nacionalnim savetima nacionalnih manjina ("Sl. glasnik RS", br. 72/2009, 20/2014 - odluka US, 55/2014 i 47/2018) Izvršni odbor Bošnjačkog nacionalnog vijeća donio je odluku o davanju mišljenja o Prijedlogu plana upisa učenika u srednje škole za školsku 2019/2020. godinu Grada Novog Pazara

MIŠLJENJE

o Prijedlogu plana upisa u srednje škole za školsku 2019/2020. godinu
Grada Novog Pazara

Bošnjačko nacionalno vijeće daje **negativno mišljenje** na Prijedlog plana upisa učenika u srednje škole za školsku 2019/2020. godinu Grada Novog Pazara.

OBRAZLOŽENJE

Srednje škole u Novom Pazaru obratile su se Bošnjačkom nacionalnom vijeću u Republici Srbiji/Nacionalnom savjetu bošnjačke nacionalne manjine i zatražile mišljenje u vezi prijedloga broja učenika za upis u prvi razred u školskoj 2019/20. godini. Osmi razred, na teritoriji grada Novog Pazara, ove godine će završiti 1623 učenika, te će u školskoj 2019/2020. godini biti upisano 53 odjeljenja što je optimalan broj za grad Novi Pazar.

Bošnjačko nacionalno vijeće je dalo negativno mišljenje na Plan upisa učenika u srednje škole na teritoriji Novog Pazara zbog nepoštovanja obavezne procedure pri traženju mišljenja od Bošnjačkog nacionalnog vijeća, te zbog neravnopravnosti podjele smjerova u nastavi na srpskom odnosno na bosanskom jeziku.

Smjerovi za nadarenu djecu, kao i smjerovi za informacione tehnologije se iz godine u godinu daju u nastavi na srpskom jeziku i time se učenicima koji su osnovno školovanje završili u nastavi na bosanskom jeziku ne daje šansa da upišu kako umjetničke tako i IT smjerove.

U Školi za dizajn tekstila i kože u području rada Kultura, umjetnost i javno informisanje i ove školske godine predviđeno je na smjerovima Tehničar dizajna grafike i Likovni tehničar da se nastava izvodi na srpskom jeziku. U Gimnaziji odjeljenje učenika sa posebnim sposobnostima za računarstvo i informatiku (IT) drugu godinu za redom je na nastavi na srpskom jeziku, čime se vrši diskriminacija nad nadarenim učenicima koji žele da nastavu na ovom smjeru pohađaju na bosanskom jeziku. Na zahtijevanje predstavnika ŠU Kraljevo da u Ekonomsko-trgovinskoj školi učenici na smjeru Službenik u osiguranju i bankarstvu, za koje je bila planirana nastava na bosanskom jeziku, ipak slušaju nastavu na srpskom jeziku.

Objašnjenje koje je dato za ovu promjenu a ujedno i za sve ostale jeste da djeca koja su završila nastavu na srpskom jeziku ne mogu upisati smjerove na bosanskom jeziku. Ovo obrazloženje ni u kom slučaju nije zakonski utemeljeno, te samim tim zahtijevamo da se sve primjedbe Bošnjačkog nacionalnog vijeća uvažavaju s ciljem zadovoljenja principa jednakosti jezika nastave na svim smjerovima.

Mišljenje dostaviti srednjim školama u Novom Pazaru, odjeljenju Školske uprave u Novom Pazaru i Ministarstvu prosvjete, nauke i tehnološkog razvoja Republike Srbije.

BOŠNJAČKO NACIONALNO VIJEĆE U REPUBLICI SRBIJI

Predsjednik Izvršnog odbora

